

Служба преподобномученицам Евдокии, Дарии, Дарии и Марии Пузинским (5 июня н.ст.)

На Господи, возвах: глас 8

Преподобномученицам стихиры, глас 8:

О, преславнаго чудесе! Днесь новомученицы прославляются/ и прелести мрак разгоняется,/ вера христианская возвышается/ и колеблется нечестие,/ радуются вернии и праздник составляют,/ вопиюще Христу Богу:// мучеников похвала и победа Ты еси, Всесильне.

Велий еси, Господи, и чудна дела Твоя! Род верных ныне торжествует:/ новоявленные страстотерпицы Евдокия, Дария, Дария и Мария,/ яже немощными телесы,/ силою же Всемогущаго Бога укрепляемы,/ крепче муки претерпеша./ Темже о них Тебе вопием:// страдальцев похвала и победа Ты еси, Всесильне.

Глас 6:

От юности заповедем Божиим внимала еси,/ чистоту духовную усердно хранящи,/ и путь юродства избрала еси, блаженная мати Евдокие,/ в годину же лютую, яко наставница мудрая, многия души к Богу обратила еси./ Ныне, на Небесех в радости непрестанной пребываючи,// воспеваеши воскресающего Христа.

Прославим днесь другинь верных,/ приснопамятную Дарию,/ велию подвижницу, духом ко Господу пламеневшую,/ и другую Дарию,/ молитву Иисусову непрестанно творившую/ и псалмы по вся дни воспевавшую,/ и Марию смиренную,/ смерть безстрашно приемшую./ Сия четыре, женским немощным естеством/ полки демонския мужески на земли победивша,/ точат исцелений струи// и укрепляют сердца верных.

Слава, глас 5:

Все мирское отложивша пристрастие,/ благою же часть избравша,/ матери наша Евдокие, Дарие, Дарие и Марие,/ в воздержании и молитвах,/ бдении и пощении усердно подвижались есте/ и сосуди чистии Святаго Духа явились есте./ Темже, неизреченных чудес дар от Бога приемша,/ молитесь неослабно ко Господу/ мир даровати земли Русстей// и душам нашим велию милость.

1. Пророчества Исаина чтение.

Тако глаголет Господь: вси языцы собращася вкупе, и соберутся князи от них. Кто возвестит сия в них? Или яже от начала, кто слышана сотворит вам? Да приведут свидетели своя и оправдятся, и да услышат, и да рекут истину. Будите Ми свидетели, и Аз Свидетель, глаголет Господь Бог, и отрок, егоже избрах, да познаете и веруете Ми, и разумеете, яко Аз есмь, прежде Мене не бысть ин бог и по Мне не будет. Аз есмь Бог и несть, разве Мене, спасаяй. Аз возвестих и спасох, уничижих и не бе в вас чуждий. Вы Мне свидетели, и Аз Господь Бог, и еще от начала Аз есмь, и несть от рук Моих избавляяй. Сотворю и кто отвратит то? Сие глаголет Господь Бог, избавляяй вас, Святый Израилев.

2. Премудрости Соломони чтение.

Праведных души в руке Божией, и не прикоснется их мука. Непщевани быша во очесех безумных умрети, и вменися озлобление исход их. И еже от нас шествие сокрушение, они же суть в мире. Ибо пред лицом человеческим, аще и муку примут, упование их безсмертия исполнено. И в мале наказани бывше, великими благодетельствовани будут: яко Бог искуси я, и обрете их достойны Себе. Яко злато в горниле искуси их: и яко всеплодие жертвенное прият я. И во время посещения их возсияют, и яко искры по стеблию потекут. Судят языком и обладают людьми, и воцарится Господь в них во веки. Надеющиеся Нань разумеют истину, и вернии в любви пребудут Ему. Яко благодать и милость в преподобных Его, и посещение во избранных Его.

3. Премудрости Соломони чтение.

Праведницы во веки живут, и в Господе мзда их, попечение их у Вышняго. Сего ради примут царствие благолепия, и венец доброты от руки Господни: зане десницею покрывает я, и мышцею защитит их. Приимет всеоружие рвение Свое, и вооружит тварь в месть врагом. Облечется в броня правды, и возложит шлем, суд нелицемерен. Приимет щит непобедимый, преподобие: поострит же напрасный гнев оружие: споборет же с Ним мир на безумных. Пойдут праволучныя стрелы молниины, и яко от благокругла лука облаков, на намерение полетят. И от каменометныя ярости, исполнь падут грады. Вознегодует на них вода морская, реки же потопят я нагло. Сопротив станет им дух силы, и яко вихор развеет их: и опустошит всю землю беззаконие, и злодейство

превратит престолы сильных. Слышите убо царие и разумеите, навикните судии концов земли. Внушите держащий множества, и гордящийся о народах язык. Яко дана есть от Господа держава вам, и сила от Вышняго.

На литіи стихіра святых, глас 6:

Все отложивша житійское томлѣние/ и сла́дость теку́щую презрѣвша,/ Крест взя́сте, я́ко ѿго Боже́ственное,/ и Христу́ послѣдовасте,/ и к Небе́сному поко́ю чу́дно вселі́стеся./ О подви́жницы и страда́лицы блаже́нныя,/ за Христа́ тридне́вная изби́ения и смерть претерпе́вша,/ прииді́те посреде́ нас невидимо,/ предначина́юща торже́ство и пе́ние,/ и сподобля́юща даро́в невеще́ственных// ваш пра́здник соверша́ющих святоле́пно.

На стиховне стихіры, глас 4:

Днесь, ве́рнии, стецы́теся/ и о́бщее торже́ство соста́вите:/ но́выя бо я́вившася му́ченицы,/ дщѣри преподо́бнаго Серафѣ́ма нарече́нныя,/ оби́тель Дивеевскую и доны́не незрѣ́мо посеща́ющія// и моля́щияся о спасѣ́нии душ на́ших.

Стих: Дѣ́вен Бог во святых Сво́их,// Бог Изра́илев.

Ве́ры правосла́вныя і́стинныя храні́тельницы/ и уста́ва церко́внаго усѣ́рдныя блюсти́тельницы,/ ве́лий глад послуша́ния ра́ди терпя́ща,/ в телесе́х ва́ших Христа́ просла́вили е́стѣ,/ му́ченицы Евдокі́е, Дáріе, Дáріе и Мари́е,/ же́стоко бо мучі́тели ўды ва́ша сокруші́ша,/ вы же изби́ения до́блественно претерпе́вша,/ Бо́га да́же до сме́рти испове́дали е́стѣ.// Того́ моли́те о спасѣ́нии душ на́ших.

Стих: В це́рквах благослови́те Бо́га,// Го́спода от исто́чник Изра́илевых.

С пострада́вшими Христа́ ра́ди,/ на Небесе́х предсто́ящи,/ му́ченице Евдокі́е сла́вная,/ в со́нном видѣ́нии скорбя́щей деви́це глаго́лала е́си:/ плач свой преложи́ на ра́дость,/ моли́тву Иису́сову в молча́нии твори́ непреста́нно,/ аз бо посреде́ Иерусали́ма Го́рняго// молю́ся о спасѣ́нии душ ва́ших.

Сла́ва, глас 1:

Живу́ща по сме́рти, прехва́льныя,/ посеща́ете вся, притека́ющия к
мо́щем ва́шим,/ и от лю́тых страсте́й всегда́ покрыва́ете,/ и от бед
избавля́ете,/ источа́ете же исцелéния/ и спаса́ете от дéмонскаго
нахождéния,/ прося́ща Бо́га дарова́ти прегрешéний прощéние// чту́щим
святу́ю па́мять ва́шу.

И ны́не, Богородичен

Тропа́рь, глас 4:

Ца́рствия ра́ди Небе́снаго/ мир и вся я́же в ми́ре оста́вили естé,/
тесноту́ соверше́ннаго послуша́ния возлю́бивша,/ дивны́я
подви́жницы и Христа́ ра́ди му́ченицы/ в годи́ну лю́тых испытáний
в земли́ Нижегородстей процвётшия,/ блаже́нныя ма́тери на́ша
Евдоки́е, Да́рие, Да́рие и Мари́е,// моли́тесь о спасéнии душ на́ших.

НА УТРЕНИ

По стихослóвии седа́лен, глас 4:

От младе́нства Христу́ себе́ обручи́вши, му́ченице Евдоки́е,/ постом,
бде́нием и непреста́нною моли́твою/ дар прозрэ́ния и рассу́ждения
духо́внаго стяжа́ла еси́,/ те́мже и по кончи́не твоéй по́мощь и утешéние
пода́еши// всем, чту́щим честна́я страда́ния тво́я.

Сла́ва, и ны́не, Богоро́дичен:

Небе́сную двéрь и киво́т, пресвяту́ю го́ру,/ све́тлый о́блак воспойм,
неопали́мую купину́, словéсный рай,/ Ё́вы воззва́ние, вселéнныя все́я
вели́кое сокро́вище,/ я́ко спасéние в Ней соде́лася ми́рови и оставлéние
дрéвних согрешéний./ Сего́ ра́ди вопи́ем Ей: моли́ся Сы́ну Твоему́
прегрешéний оставлéние дарова́ти/ благоче́стно покланя́ющимся
всесвято́му рождеству́ Твоему́.

Велича́ние:

Велича́ем вас,/ святии му́ченицы Евдоки́е, Да́рие, Да́рие и
Мари́е,/ и чтим честна́я страда́ния ва́ша,/ я́же за Христа́//
претерпе́ли естé.

Псалом избранный:

Бог нам прибѣжище и сила, помощник в скорбех, обретших ны зело

По полиелѣи седáлен, глас 8:

Удивѣшася мѹжеству вáшему, страдалицы,/ ли́цы а́нгельстии и правосла́вных собо́ри:/ ка́ко в телеси́ немощнѣм жѣнстем стра́ждущия,/ безплóтныя врагѣ́ силою Дѹха победѣ́сте?/ Тѣмже благодарственно о вас воспе́вають вси Пресвяту́ю Тро́ицу,// явѣвшую в послѣ́дняя лѣ́та мѹченицы, дрѣ́вним равночѣ́стныя.

Сла́ва, и ны́не, Богоро́дичен:

Гаври́илу вещáвшу Тебѣ́, Дѣ́во,— ра́дуйся!// со гла́сом воплоща́шеся всех Влады́ка/ в Тебѣ́, святѣ́м киво́те,/ я́коже рече́ пра́ведный Дави́д:/ явѣ́лася еси́, шѣ́ршая Небѣ́с,/ поно́сивши Зиждѣ́теля Твоего́./ Сла́ва Всѣ́льшемуся в Тя,/ сла́ва Проше́дшему из Тебѣ́,/ сла́ва Свобо́дившему нас рождество́м Твоѣ́м.

Степѣ́нна, 1-й антифо́н 4-го гла́са. **Прокѣ́мен, глас 4: Дѣ́вен Бог во святы́х Своѣ́х,// Бог Изра́илев.** Стих: В це́рквах благослови́те Бо́га, Го́спода от исто́чник Изра́илевых. Вся́кое дыха́ние: Ева́нгелие от Ма́рка, зача́ло 21.

По 50-м псалме́ стихѣ́ра, глас 6:

Днесь па́мять мѹчениц/ Евдоки́и, Да́рии, инѣ́я Да́рии и Мари́и соверша́юще,/ досто́йно сих да убла́жим./ Ты́я бо войсти́ну, обнища́вша дѹхом, обогати́шася,/ крóтки бѣ́вша, зѣ́млю крóтких насле́доваша,/ пла́кавша, утѣ́шишася,/ алка́вша пра́вды, насы́тишася,/ мѣ́ловавша, помѣ́лованы бѣ́ша,/ чѣ́сты бѣ́вша се́рдцем, Бо́га, я́коже мо́щно, узре́ша,/ миротвори́вша, Божѣ́ственного сподо́бишася сынополо́жения,/ гонѣ́мы же и мѹчѣ́мы пра́вды ра́ди,/ на Небесе́х ны́не веселя́тся и ра́дуются,/ и приле́жно мо́лятся Го́сподеви// помѣ́ловатися дѹ́шам на́шим.

Пѣ́снь 1.

Ирмо́с: Колесни́цего́нителя́ фарао́ня погру́зи чудотвори́й иногда́ Моисе́йский же́зл, крестообра́зно порази́в и раздели́в мо́ре, Изра́иля же́ беглеца́, пешехо́дца спасе́, пѣ́снь Бо́гови воспе́вающа.

Духо́вный ли́к соста́вльше, ве́рнии, сла́вныя страсотѣ́рпицы, я́ко светѣ́льники Це́ркве, оза́ряющія се́рдца, пѣ́снями почтѣ́м, ве́рою и любóвию па́мять ѣ́х соверша́юще.

Восхва́лим днёсь четвери́цу сла́вную: блаже́нную Евдоки́ю, Да́рию, ину́ю Да́рию и Мари́ю, подо́бниц дрéвним мучеником по́двиги и страда́нии.

В ле́та, в ня́же о́гнь любве́ ко Христу́ угасл е́сть, яви́стеся, мученицы до́блия. Моли́теся, да о́гнь Божественны́я любве́ согре́ет охладева́ющая серде́ца на́ша.

Богоро́дичен: Пресвята́я Богоро́дице Де́во, Ты́ да́ры духо́вными от Пресвяты́я Тро́ицы па́че все́х челове́к преиспо́лнена еси́; те́мже, благода́тию Твое́ю укрепля́еми, умиле́нным се́рдцем ми́лости Твоя́ прославля́ем.

Пёснь 3.

Ирмо́с: *Небе́снаго кру́га, Верхотво́рче, Го́споди, и Це́ркве Жижди́телю, Ты́ мене́ утверди́ в любви́ Твое́й, жела́ний кра́ю, ве́рных утвержде́ние, Еди́не Человеколю́бче.*

Дивна́ е́сть, Христé, держа́ва крёпости Твоея́! Се́ бо ны́нешний немощствую́й ро́д Кресто́м Твои́м воору́жися и си́лою Твое́ю си́льнаго зло́бою дрéвняго врага́ победи́.

Воспои́м вси́ Евдоки́ю ве́рную, от младе́нства крест взéмшую, по́двиг юро́дства поды́мшую, му́дрость же духо́вную стяжа́вшую и путе́м а́нгельскаго жити́я еди́ному Жениху́ Небе́сному уневе́стившуюся.

Кро́тки и незло́бивы бы́вша во все́м жити́и ва́шем, послуша́нию во́льно навы́кли естé, мученицы Да́рие, иная́ Да́рие и Мари́е, сего́ ра́ди на Небесе́х обрели́ естé поко́й. Моли́те Бо́га о душа́х на́ших.

Богоро́дичен: Жизнь ро́ждшая, Де́во Всенепоро́чная, се́рдца моего́ стру́пы исцели́, ходата́йствы Твои́ми, я́же к Сы́ну Твоему́, Богоблаже́нная.

Седа́лен, гла́с 8:

От трудо́в земны́х и страда́ний многови́дных крыла́ми ве́ры во оби́тели Небе́сныя возлете́ли естé, ма́тери богоблаже́нныя, иде́же Престо́лу Вседержи́теля предсто́ите. Того́ о нас моли́те прегреше́ний оставле́ние дарова́ти и душа́м на́шим ве́лию ми́лость.

Богоро́дичен: Милосе́рдия су́щи исто́чник, не лиш́и нас ми́лости Твоея́, Богоро́дице, но с мученица́ми, в земли́ на́шей просия́вшими, Го́спода моли́ свободи́ти нас от рабо́ты вра́жия и утверди́ти во благоче́стии и чистоте́.

Пѣснь 4.

Ирмосъ: *Ты моя крѣпость, Господи, Ты моя и сила, Ты мой Бог, Ты мое радованіе, не оставь недра Отца и нашу нищету посети. Тем с пророком Аввакумом зову Ти: силе Твоей слава, Человеколюбче.*

Во дни и нощи молитвы творяща, ни сна очима, ни вѣждама своимъ дреманія не давали есте отнюд, хлад и глад вольно претерпевающа, мученицы славныя. Научите нас молиться прилежно.

Радующася, терпели есте клеветы и поношенія от человек и различная стрѣлія вражия Христа ради, Жениха Своего, да любви Божія в міре сем грѣшнем возсияет.

Помысливши немощную Евдокію оставити, девица юная в сонном видѣнии сподобися зрѣти преподобнаго Серафима, иже Евдокію и служащих ей нарече дочерьми своими.

Богородиченъ: Иконою Йверскою не точию Афѳон просвѣщается, но и инии гради и веси освящаются и, чудесную помощь приѣмлюще, источник утешенія в ней обрѣтают и вопіют: радуйся, Благая Вратарнице, двѣри райскія верным отверзающая.

Пѣснь 5.

Ирмосъ: *Вскую мя отринул еси от лица Твоего, Свете Незаходимый, и покрыла мя есть чуждая тьма, окайннаго, но обрати мя и к свету заповедей Твоих пути моя направи, молюся.*

Мученице Евдокіе преславная, донѣне просвѣщаеши души человеческия Светом благодати, тебѣ данныя, темже и нас, любовью совершающих всепразднственную память твою, от бѣд и напастей избави.

Жениха временнаго не восхотѣвши зрѣти, мученице Даріе, избіеніе от сродник претерпѣла еси и даже до смѣрти единому Господу дух горящій возносила еси.

В сердце своем храмину благоуханну сотвориши, и ты, мученице Даріе, образ истиннаго смиренія и совершеннаго терпѣнія нам явила еси.

Святитель Николай трикраты явися ти, мученице Маріе славная, на подвиг странничества первее благословляя, послѣжде блаженней Евдокіи послужити повелевая.

Богорóдичен: Рáдуйся, Приснодéво, златáя кадíльнице, в ню́же вложíся Небéсный фимиáм — Христóс, благоухáй притекáющих к Тебé, Богорóдице.

Пёснь 6.

Ирмóс: *Моли́тву пролию́ ко Го́споду и Тому́ возведу́ печа́ли моя́, я́ко зóл душа́ моя́ испóлнится и живо́т мо́й áду прибли́жися, и молю́ся, я́ко Ио́на: от тли́, Бо́же, возведи́ мя.*

Четверочи́сленный страсотéрпиц ли́к на́м возсия́ от земли́ Нижегородския, я́ко звёзды на твёрди церко́вней, вёрныя просвещáй и прéлести тьму́ разгоня́й.

Болéзней неисцéльных терпéнием твёрдым пёрвее победíла еси́ страс téй возста́ния, последí, пострада́вши крепча́йше, низложи́ла еси́ злочестíвых держа́ву, Евдоки́е мучени́це.

Да восхва́ляются ны́не с Евдоки́ею Дáрия, иная́ Дáрия и Мари́я сла́вныя, послуша́нием и терпéнием твёрдым просия́вшия, Христóва виногра́да рóзги добропло́дныя.

Богорóдичен: Помо́щницу си́льну ве́дуще Тя́, Всеблагáя, мо́ление Тебé прино́сим от всея́ душí: вонми́ и услы́ши ны́, Влады́чице, и изба́ви вся́каго гнёва и прещéния Бо́жия рабы́ Твоя́.

Конда́к, глас 6:

Жити́ем пра́ведным к достóйному прия́тию мучени́чества себé угото́виша, триднёвная́ изби́ения и сме́рть претерпéли естé, неvéсты Христóвы предíвныя, блаже́нныя Евдоки́е, Дáрие, иная́ Дáрие и Мари́е. Ны́не, мно́гими чудесы́ и исцелéнии просия́вша, моли́теся приле́жно, да спасёт Господь ду́ши на́ша.

И́кос:

Прииди́те, мона́шествующих сослóвие, прииди́те, ве́ры правосла́вныя рачи́телие, прииди́те, празднолю́бцы, вся́к во́зраст, пёсньми духо́вными похва́лим моли́твенницы на́ша: по́стников похвалу́, печа́льных утешéние, недугующих посещéние и сущим в беда́х ско́рое вспоможе́ние, точáщих все́м исцелéния обильно́ и вся́кое прошéние исполня́ющих. Ёмже ве́рно возопи́ем: моли́теся приле́жно, да спасёт Господь ду́ши на́ша.

Пѣснь 7.

Ирмѡс: *От Иудѣи дошедше, ѡтроцы в Вавилѡне иногда вѣроу Трѡическою пламень пѣщный попраша, поюще: отцѣв Бѡже, благословѣн есѣ.*

Воистинну побеждѣн бѣсть вами враг, зѣмлю и море хваляйся низпровергнути, твердѣйшим адаманта терпѣнием попрасте того, Христа в себѣ имуща, непобѣдимыя, Егѡже воспевали естѣ: отцѣв Бѡже, благословѣн есѣ.

Беззакѡнія лютая творяще, подвижниц Христовых безбѡжницы тщахуся убѣити, иконы же святѣя ногами попираху, обаче от Йверския иконы Бѡжия Матере свѣт возсиа неизречѣнный всем вѣрным, поющим: отцѣв Бѡже, благословѣн есѣ.

Триднѣвная избиѣния, поруганія, и злохуленія претерпѣли естѣ мужественне, страстотѣрпицы, сѣми бо, яко злато, искуси вас Господь и, яко всесожжение тучно, прият. Емуже и воспевали естѣ: отцѣв Бѡже, благословѣн есѣ.

Богородичен: Бѡга Отца Дщи явилася есѣ, Маріе, Сына же Мати, Приснодѣво, Невѣста же Духа Святаго, Пречѣстая, селѣние Светоначальныя Трѡицы, всего Божества храм одушевлен.

Пѣснь 8.

Ирмѡс: *Седмерицею пѣщь халдѣйский мучитель богочестивым неистовно разжжѣ, сілою же лучшею спасены сѣя виде, Творцу и Избавителю вопіяше: ѡтроцы, благословите, священницы, воспойте, людие, превозносите во вся вѣки.*

Согласно, вѣрнии, мучениц Марію, Дарію, иную Дарію с блаженною Евдокіею воспойм, яко низложительниц врага и невѣст Христовых, поющих: вся дела Господня, Господа пойте и превозносите во вся вѣки.

Святѣя Тайны Христовы в день кончины сподобилися естѣ прияти от руку иерѣя Васілія и тако, от Господа укрепляемы, мужески на смѣрть потекли естѣ, поюща: вся дела Господня, Господа пойте и превозносите во вся вѣки.

Свѣше назирающа на совершающих память вашу, венцѡсицы славныя, ходатайствуйте у Всебѣшняго Дароподателя вѣременная и вѣчная благая нам, зовущим: вся дела Господня, Господа пойте и превозносите во вся вѣки.

Богорóдичен: Яже Едіна Невместімаго приємши и рóждши Бóга Слóва воплощёна, моли́ спастіся душáм нáшим.

Пёснь 9.

Ирмós: *Ужасёся о сём Нёбо, и землі удивішася концы́, яко Бóг явіся челове́ком плóтски и чре́во Твоё бы́сть пространнейшее Небёс. Тём Тя́, Богорóдицу, Ангелов и челове́к чиноначáлия велича́ют.*

Влекóмы на заколénие, мучітелей вопроша́ху страсотёрпицы: Христа́ исповéдахом Бóга и тём лжy ва́шу обличіхом, за ко́е беззакóние без судá хóчете нас убíти? Обáче ны́не сла́вныя мученицы во сла́ве Небёсней сия́ют.

Днёсь земл́я Нижегородская ва́шу па́мять прáзднует: вы́ бо явістеся столпí и божéственная забрáла, и утверждéние, моли́твенницы и заступни́цы нáша, богоблаже́нныя.

Триипостáсный Бóже нáш, нóвых мучениц Тво́их приёмый пóдвиги и пресла́вно увенча́вый их, тéх предстáтельством спасí рабы́ Тво́я и сподóби ны́ вéчно Твою́ держáву сла́вити.

Богорóдичен: Приведí, Дéво, к Сы́ну Твоему́ нóвых мучениц ли́к четверочи́сленный и с нíми помолíся, яко да, несветíмаго огня́ избáвльшеся, сподóбимся Цáрствия Небёснаго.

Светíлен:

Приими́, Гóсподи, нóвыя мученицы, Евдокію блаже́нную, Дáрию, иную́ Дáрию и Марію, яко жéртву соверше́нную, яко благово́нный фимиáм, яко ми́ро многоце́нное, освяща́ющее и просвеща́ющее ду́ши нáша.

Богорóдичен: Воспойм днёсь хвалы́ Пресвяте́й Маріи Дéве, плóть взаимода́вшей Еді́ному от Святы́я Тро́ицы, от Не́я челове́ком рóждшемуся. Сего́ ра́ди велича́ем Ю́, яко Ма́терь Све́та и Богорóдицу.

На хвали́тех стихіры, глас 6:

Стих: Хвали́те Егó на сі́лах Егó,/ хвали́те Егó по мно́жеству вели́чества Егó.

Прииді́те, мучениколю́бцы вси,/ воспойм новомучениц Христóвых,/ Евдокію, Дáрию, иную́ Дáрию и Марію,/ сия́ бо явішася в послéдняя временá,/ сла́ва и похвалá Цérкве Рýсския,/ тёплыя предстáтельницы нáша,/ немощствую́щих врача́еве изря́дныя,/ скорбя́щих утешéние,// яже мо́лятся, о éже спастіся нам.

Стих: Хваліте Егó во гласе тру́бнем,/ хваліте Егó во псалтіри и гúслех.

Приидіте, безплóтных ліцы,/ во плóти сýщим, спрáзднуйте нам/ в честнѣй пáмяти страсотѣрпиц:/ сїя бо, телесá носяща,/ я́ко безплóтныя, Христа́ рáди подвизáшася/ и лю́тых мук не убоя́шася./ С нимі́же моли́теся,// о́ еже спасті́ся нам.

Стих: Хваліте Егó в кимвáлех доброгласных, хваліте Егó в кимвáлех восклицáния./ Вся́кое дыха́ние да хва́лит Го́спода.

Приидіте, ве́рных мно́жества,/ восхва́лим но́выя мученицы и áгницы словѣсныя,/ я́же от богобо́рных власте́й му́жески му́ки претерпѣвша,/ те́плыя моли́твенницы пред Го́сподем явѣшася./ Ны́не нас подвизáют к сла́ве и хвалѣ́нію Бо́га,/ укре́пльшаго их немощно́е естество́/ и обогатѣ́вшаго дарова́нии Ду́ха,// во спасѣ́ние душ на́ших.

Сла́ва, глас 8:

Ра́дуйся, пресла́вная Нижегородская землѣ,/ ликуй, о Бо́зе торжествую́щи,/ тебѣ́ бо даде́ся многоце́нное сокровище,/ лик четверочи́сленный новомучениц, обогатѣ́вших тя,/ Евдокіи, Да́рии, ины́я Да́рии и Ма́рии,/ я́же, предстоя́ща Престо́лу Влады́чню,/ мо́лятся дарова́ти мірови мир// и душáм на́шим ве́лию ми́лость.

И ны́не, Богоро́дичен

НА ЛИТУРГІИ

Прокі́мен, глас 4: Ді́вен Бог во святыхъ Сво́их,// Бог Изра́илев. Стих: В це́рквах благослови́те Бо́га, Го́спода от исто́чник Изра́илевых. Апóстол к Корінфяном, зача́ло 181. Аллилу́ия, глас 4: Терпя́ потерпѣх Го́спода, и внят ми и услы́ша моли́тву мою́. Ева́нгелие от Ма́рка, зача́ло 21. Прича́стен: Ра́дуйтеся, пра́веднии, о Го́споде:

Моли́тва

О дѣвныя подвижницы и заступницы наша, мученицы Евдокіе, Дáрие, Дáрие и Маріе, древних мученик подражательницы истинныя, в теснотѣ послушанія без разсужденія, бдениих многотрудных и постѣ изнурительнем пожившия! Ныне к вам прибегаем и, к мощем вашим припадающе, молимся: о страсотѣрпицы святѣя, незлѣбивыя агницы, своєю кровію Христа ради обагрѣнныя и жестокии предатели вѣры триднѣвно мучимыя и закланныя! О прозорливицы, многія души от погѣбели вѣчныя исхитившия и о страданіих прѣжде кончины от Господа извещѣнныя! О целительницы и чудотворицы не токмо в землі Нижегородстей, но и по всей землі Русстей прославляемыя! Не оставите нас во гресѣх и беззаконіих погѣбнути, но помозіте в покаянии истиннем житіе наше скончати и достѣйными явитися славити Святую Троицу, Отца, и Сына, и Святаго Духа, во вѣки веков. Аминь.